

Muharem Fišo - Ministarstvo za boračka pitanja KS

M.Fišo je rođen 1.9.1964. godine u Trznju - općina Hadžići gdje je završio osnovnu školu. Srednju školu je završio u Sarajevu od 1979. – 1983. godine, a nakon završene srednje škole prvo zaposlenje je u ŽTP-u Sarajevo u OOUR-u prevoza željeznicom na radnom mjestu referent za organiziranje prevoza robe.

Nakon toga postaje rukovodilac nabavke i prodaje trgovničkog preduzeća „Željeznički konzumi“ d.o.o. Sarajevo gdje ostaje sve do početka agresije na RBiH.

Paralelno, uz rad, završava višu školu Beogradu i stiče zvanje komercijaliste, a nakon demobilizacije iz Armije RBiH stiče zvanje diplomirani ekonomista, te magistrirao je u septembru 2015.g. iz oblasti Ekonomije na temu: „Komparativna analiza u upravljanju malim i srednjim preduzećima kao determinanta i generator ekonomskog razvoja BiH“ i stekao zvanje „Magistar ekonomije“.

Za vrijeme odbrambeno-oslobodilačkog rata od 1992-do 1995 godine angažuje se u jedinici 1.Korpusa 109. Brdske brigade Armije RBiH gdje ostaje sve do kraja agresije na našu zemlju. Tokom agresije na RBiH obavljao je niz dužnosti, unaprijeđen je u čin poručnika ARBiH.

Nakon demobilizacije radio je u J.P. Željeznice Federacije BiH te u privatnom preduzeću za Tehnički pregled i servisiranje vozila sve do 2009 godine na radnom mjestu zamjenik direktora. Također je, u Njemačkoj i Hrvatskoj, učestvovao na međunarodnim seminarima u projektu uvođenja sistema kvaliteta ISO standarda te je stekao zvanje certificiranog auditora za uvođenje sistema kvaliteta ISO. Od marta 2013. godine radi u KJKP Park d.o.o. Sarajevo na radnom mjestu Direktor preduzeća i pomoćnik direktora za ekonomsko-finansijske poslove.

Na općinskim izborima 2008.g. ispred BPS-a Sefer Halilović izabran je za vijećnika u OV Hadžići, te je obavljao i funkciju predsjednika opštinske komisije za Budžet i finansije. Na opštim izborima 2014.godine izabran u Predstavnički dom Parlamenta FBiH gdje obavlja dužnost predsjednika kluba zastupnika i predsjedavajućeg Odbora za prostorno uređenje i komunalnu djelatnost, te člana Odbora za finansije i budžet Federacije BiH.

Trenutno je potpredsjednik Rukometnog kluba Hadžići i član Udruženja za ostvarivanja prava boraca RVI i šehidskih odnosno porodica poginulih boraca. Uključen je u rad humanitarnih organizacija i pruža svesrdnu pomoć ugroženima. Poseban doprinos je dao projektu zapošljavanja demobilisanih boraca i prekvalifikaciji tokom 2013. i 2014. godine za šta je i nagrađivan i pohvaljivan. Pasivno govori ruski i njemački jezik. Oženjen je i otac dvoje djece Amara i Azre.